

UNIVERZITET U TUZLI
Broj: 01-56-JN-10/21
Tuzla, 09.07.2021. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r.) Statuta JU Univerzitet u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-56-JN-9/21 od 06.07.2021. godine, po punomoći Rektora Univerziteta u Tuzli broj: 01-2593-1/20 od 11.06.2020. godine, Direktor za ekonomske poslove donio je

O D L U K U

O IZBORU NAJPOVOLJNIJEG PONUĐAČA

I

U okončanom otvorenom postupku javne nabavke i ugradnje PVC stolarije u starom dijelu zgrade Ekonomskog fakulteta Univerziteta u Tuzli izabran je ponuđač „DKM GRADNJA“ d.o.o. Maglaj sa ponuđenom cijenom od 8.400,00 KM bez uračunatog PDV-a, odnosno 9.828,00 KM sa uračunatim PDV-om, te se istom dodjeljuje ugovor o izvođenju radova.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zato što je prilikom poređenja sa ponudama ostalih kvalifikovanih ponuđača, u odnosu na zadani kriterij odabira „naniža cijena“ i nakon provedene e-aukcije, imala nižu ponuđenu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača nabavke i ugradnje PVC stolarije u starom dijelu zgrade Ekonomskog fakulteta putem Otvorenog postupka javne nabavke broj: 01-56-JN-2/21 od 07.05.2021. godine objavljenom na Portalu javnih nabavki “E-nabavke” broj: 795-1-3-52-3-49/21 od 09.06.2021. godine, “Službenom glasniku BiH” broj: 35/21 od 11.06.2021. godine i WEB stranici Univerziteta.

U ostavljenom roku ponude su dostavila 3 (tri) ponuđača i to: „DKM GRADNJA“ doo Maglaj, „MEGA -ROLL“ doo Gračanica i „KUWET“ doo Kalesija.

U postupku ocjene ponuda utvrđeno je da sve tri pristigle ponude sadrže sve dokaze zahtijevane tenderskom dokumentacijom i tehnički su prihvatljive.

Pristigle prihvatljive ponude Univerzitet je unio u bazu „E-nabavke“ da bi se iste vrednovale u odnosu na zadani kriterij odabira „najniža cijena i to putem e-aukcije, u skladu sa Pravilnikom o uslovima i načinu korištenja e-aukcije („Službene novine BiH“ broj: 66/17).

Nakon uspješno okončane “e-aukcije” i u skladu sa izvještajem o toku i završetku “e-aukcije” od 05.07.2021. godine sačinjena je slijedeća rang lista ponuda po povoljnosti:

- | | | |
|------------------------------|----------|------------|
| 1. „DKM GRADNJA“ doo Maglaj | 8.400,00 | KM bez PDV |
| 2. „MEGA-ROLL“ doo Gračanica | 8.490,00 | KM bez PDV |
| 3. „KUWET“ doo Kalesija | 8.990,00 | KM bez PDV |

Budući da ponuda ponuđača „DKM GRADNJA“ d.o.o. Maglaj u svemu zadovoljava tehničke zahtjeve Univerziteta predviđene Tenderskom dokumentacijom i nakon provedene e-aukcije je imala najnižu ponuđenu cijenu, što je za 18,54 % niže od početne cijene, Komisija je predložila da se istom dodijeli ugovor.

Cijeneci izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:


01-56-JN-9/21 od 06.07.2021. godine

Izvještaj o toku i završetku „e-aukcije“ od 05.07.2021.godine

DOSTAVITI:

1x svim učesnicima

1x a/a



DIREKTOR
FAKULTETA EKONOMSKE POSLOVE

Matović
Hasan Matović, dipl.oec.